



in oratoris hereticorum offerre, & filias cum hereticis matrimonio conjungere prohibentur fideles; ita Canon. 1. Concilii Constantinop. 1. in quo heretici vocantur, qui ab ecclesia abdicati sunt, & anathematizati; & in Can. 7. Concilii Carthaginensis IV. in quo nomen ecclesie dari prohibetur *Conventiculis hereticorum*. Accedunt etiam Patres, & Concilia, quae unam hanc Ecclesiam Catholicam dicere, & quae heretici omnes anathematizantur, ut videre est apud Turnellium *de Ecclesia quest. 2. art. 2.* Hanc vero omittenda duximus, quod Juris fateatur, hanc ecclesie unitatem statuisse ac sibi effinxisse antiquos ecclesie Patres. At si Patres priorum seculorum, qui ab Apostolis, & ab Apostolicis viris depositum divinae revelationis susceperunt, unam tantum ecclesiam esse docuerunt, in qua spes insit salutis, atque hanc Catholicam esse, quae hereticos excludat, quis non videat, ita revera fuisse à Christo institutam societatem credentium? Nam Christus Dominus unum in ea futurum dixit ovile, & Pastorem unum; & unumque Corpus esse voluit ex variis membris invicem, & cum capite unitis, ut tradidit Paulus; & eos, qui ecclesiam non audierint, tamquam Ethnicos, & Publicanos, quibus spes deest aeternae salutis, habendos docuit Matth. 16. atque Paulus ad Tit. hereticos devitandos juvet. Itaque Patres, qui ecclesiam unam esse docuerunt, quae Sectas hereticorum excludat, Christi Domini doctrinam, & divinam revelationem inculcantur, quae hereticos homines devitare non juvet, & ita ab uno ecclesie corpore eos avulsos, & separatos ob perduellionem, & contumaciam, ejusdem ecclesie sententia exhibet, ut inter Ethnicos & Publicanos recenseri debeant. Patrum ergo de unitate ecclesie doctrina ea est, quam Christus, & Spiritus Sanctus per Apostolos promulgaverunt.

75 Neque ullibi apud veteres Patres occurrit articulum fundamentalium, & non fundamentalium distinctio. Distinxit utique semper ecclesia, inter ea quae expresse cuique christiano tenenda, & credenda sint, atque ea quae generatim & implicite credere sufficiat, ut alibi ab ipso quoque Auctore expositum est; at pro hereticis habuit eos omnes, qui quemcumque ab ecclesia definitum, & credendum propositum articulum pertinaci voluntate negassent. Ita, Hieronymo teste, il, qui adversus ecclesie definitionem mosaicas caeremonias cum Evangelio servandas tradidit, ut salutem homines consequerentur, heretici, atque de societate diaboli habitus sunt, vel ipsa Apostolorum aetate, etsi id ad fundamentalem fidei articulum, juxta Novatores non pertineret. Atque ita deinceps, qui ecclesiam loquentem atque docentem eadem obstinatione audire recusarunt, pro hereticis habitus sunt, ut discurrunt per singulas Novatorum Sectas ab Apostolorum aetate ad Tridentinam usque Synodum, exploratum est. Et sane qui ecclesiam non audit per legitimos Pastores loquentem, Christum non audit, & tamquam Ethnicos & Publicanos habendus est ex illo Matthaei 16. pluries citato. Porro hereticorum nomine homines intelligimus, qui ecclesiam audire nolint, atque obstinata pertinacia ipsius decreta respuant. Itaque ex ipsa Christi sententia ab ecclesia societate separati habendi sunt. De his vero consulantur Auctores supra citati. Ad schismaticos vero, & excommunicatos quod attinet, sufficient ea, qui ab Auctore Bibliothecae sunt disputata: Nam quae de his disseruntur, obvia sunt apud Bellarminum, aliosque Theologos.

77 Visibilis Christi ecclesia nunquam defuit, aut defectura est. Ita Catholici contra Novatores illos sentiunt, qui solam invisibilem omnino indefectibilem praedicant, visibilem vero ita obscuram ac fere extinctam fuisse, ut visibilis amplius non fuerit. Consideranti Dei in fundanda & regenda ecclesia sua providentiam, palam illic fit, nec defecisse, nec deficere posse visibilem Christi ecclesiam. Nam haec societas est, extra quam nulla est spes salutis: In hac societate fundanda Deus usus est visibilibus signis, ac perspicuis characteribus, quibus cognita & notissima esset omnibus hominibus, veluti ea, cui concedenda sunt monita & praecepta, atque media necessaria ad aeternam salutem, ut non clare ostendimus de notis, & characteribus divinae revelationis disputantes,

Si Deus omnibus conspicuam esse voluit suam revelationem per notissimos characteres, ac notam iidem societatem, cui revelationis suae depositum concedidit, quis dubitet, quod providentia sua visibilem & conspicuam conservare voluerit semper illam eandem societatem, ad quam necesse sit hominibus accedere, ut consequi salutem possint? Scimus enim, divinam providentiam eadem quae perficit opera, cura eadem conservare. Si ergo divinae providentiae cura fuit, ut omnibus conspicua esset ecclesia, quam ipse fundavit, eadem cura visibilis atque omnibus conspicua semper servabit. Atque huc spectant Veteris Testamenti prophetiae, quibus perpetuo duraturam praedictum est ecclesiam Christi. Vide hujusmodi prophetias relatas à Turnell. art. 8. *concl. unica.* Hinc Christus Matthaei ultimo v. 20. inquit: *Ecce ego vobiscum sum usque ad consummationem saeculi; & Matthaei 16. v. 16.* Ecclesiae suae stabilitatem designans inquit: *Et adversus eam porta inferi praevalere non poterunt.* Atque ad Ephesios 4. v. 11. habetur: *Ipse, (Christus) dedit quosdam Apostolos, quosdam autem Prophetas, alios vero Evangelistas, alios autem Pastores, & Doctores ad consummationem Saeculorum in opus ministerii, in edificationem Corporis Christi: donec occurramus omnes in unitatem fidei, & agnitionis filii Dei.* Vides ergo, Christum stabilisse in ecclesia sua Pastores, qui ad mundi finem usque oves suas pascerent, quique in Actis Apostolorum Episcopi dicuntur, positi à Spiritu Sancto ad regendam ecclesiam Dei; atque hujusmodi Pastorum promississe, se cum iisdem mansurum ad consummationem usque saeculi, hoc est, divinae virtutis suae praesidio, atque assistentia se iisdem semper adfuturum; ac denique pollicentur fuisse nunquam portas inferi, hoc est spiritum erroris, atque nequitiae adversus ecclesiam illam praevaliturum, quam Christus per Pastores à se constitutos regeret. Si ecclesia, quae nunquam defectura est, ea est quae Pastoribus subest, est profecto visibilis, atque est Catholica Romana Ecclesia per notas illas conspicuas, quas nos supra exposuimus.

78 Hinc ecclesiae infallibilis in decernendis fidei, & morum controversiis auctoritas concessa est. Nam iis, per quos ecclesiam fundavit, infallibilem in proponenda, & explicanda doctrina auctoritatem contulit; Apostolis enim & Prophetis, quorum ministerio usus est in fundanda ecclesia, infallibilem divini Spiritus assistentiam praebuit, ut Novatores quoque fateantur. Ergo iis quoque, quorum ministerio utatur pro conservanda ecclesia, quam indefectibilem esse voluit, eam assistentiam tribuat, necesse est, per quam libitatum servetur depositum divinae revelationis eorum curae, & ministerio conceditur; alioquin cura in Dei providentia deesset, pro conservanda religione, quam revelaverat. Tradidit vero divinae revelationis depositum iis, quos ipse misit, dum dixit, *sicut misit me Pater, ita ego misit vos,* quibus pasceri oves onus imposuit, dum dixit *paucos oves meas,* quibus docendi munus indidit dicendo, *Venite docete omnes Gentes,* quos denique posuit *Spiritus Sanctus Episcopus regere ecclesiam suam.* Iis ergo eam assistentiam praebet, quae necessaria est ad intactam conservandam revelationem, ideoque ecclesiam sine errore. Sine hac enim assistentia rite consultum non esset conservatio ecclesiae; eo vel magis, quod Christus hujusmodi Pastores audire, eisque obtemperare nos jubet: *Lucæ enim 10. v. 16.* ait Christus Apostolis, ac Pastoribus, eorumdem Successoribus, *qui vos audit, me audit; & ad Hebraeos xiii. v. 13.* habetur, *obedite Praepositis vestris & subjacetis etc.* Quis vero credat, voluisse Christum fideles suos astringere ad obtemperandum Pastoribus, qui credenda, & agenda pro munere pastoritio traderent, & inculcarent, quin hos ea voluerit assistentia fovere, quae necessaria sit, nec conceditas sibi oves decipiant? At hanc promisit per verba supra à nobis relata, *ecce ego vobiscum sum usque ad consummationem saeculi, & porta inferi non praevalent adversus Ecclesiam;* & per ea, quae leguntur *Ephes. 4. v. 11.* *Dedit Pastores, & Doctores ad consummationem Saeculorum in opus ministerii, in edificationem Corporis Christi,* hoc est Ecclesiae, *ut jam non simus parvuli fluctuantes, & circumferamur omni verbo doctrinae in nequitia*

79 *ita hominum, in astutia ad circumventionem erroris.* Hac de causa ad Timothei. 3. v. 5. Ecclesia dicitur *Columna & fundamentum veritatis,* firma scilicet, & stabilis, quae errare, & à fide deficere nequeat. Accedit etiam unanims Patrum, & Conciliorum consensus, qui hanc semper, & ubique traditam ecclesiae praerogativam affirmant, ut videre est apud supra citatos Auctores.

82 Arque hinc facile patet, inerrantiam donum ecclesiae Pastorum fuisse concessum. Iis enim necessarium est, qui pasceri, qui docere, qui regere fideles debeant, & quibus fideles habere, & obedire jubentur. Ii autem Pastores sunt, ut ex dictis liquet. Pastorum autem nomine veniunt Episcopi, ut constat tum ex illo Actorum loco, in quo Episcoporum fit mentio, qui positi sunt ad regendam ecclesiam; tum ex perpetua, & constanti ecclesiae traditione: tum ex praxi ecclesiae, in qua semper Episcopi tum seorsim, tum in Conciliis congregati, controversias fidei, atque morum definiunt, ut ex actis, & historia Conciliorum constat. Episcopus vero jure divino presbyteris superiores esse, ac Presbyteros eodem jure à plebe secreti, contra Novatores ostendimus de ecclesiastica hierarchia, & de presbyteris disputantes.

84 Privilegium vero inerrantiae non singulis Episcopis seorsim sumptis, sed eorum coetui qui cum ecclesiae Capite Romano Pontifice uniti sunt, atque ab eodem pendent, concessum est; nam non solum retroactis temporibus plures Episcopi ab orthodoxa fide defecerunt, sed occurrit etiam hac nostra aetate ex Photianis, Nestorianis, & Monophysitis Episcopis bene multi, qui in manifestis ab ecclesia damnatis erroribus versantur. Hoc itaque privilegium iis competi, qui in vera Christi ecclesia sunt per notas superius à nobis descriptas manifestata. Sunt autem in hac ecclesia ita tantum Episcopi, qui cum Romano Pontifice communicant, atque ab ejus auctoritate, jurisdictione, atque regimine pendent. Neque enim ad unam Christi ecclesiam pertinere possunt, nisi cum illius capite uniti sint, nisi illius postestate sustententur, nisi auctoritate illius regantur. Quamobrem de fide est, inerrantiae privilegium ecclesiae illi concessum esse, in qua Plebs cum suis Pastoribus uni Romano Pontifici subsint, cuius suprema auctoritate omnes regantur. Neque ab sententia Gallorum Theologi dissident, qui, ut exponit Tournely de ecclesia quest. 5. art. 2. ajunt, ecclesiae claves, ad quas hujusmodi quoque privilegium refertur, uni Petro, & unitati simul concessas esse, hoc est ecclesiae capiti una cum Episcopis cum eodem conjunctis, atque ab eodem pendentibus. Neque enim jure divino primatum honoris, & jurisdictionis habet in tota ecclesia supra alios quoque Episcopos, nisi ita ab eodem Pontifice penderent.

85 Hinc Leges, inquit *etiam Auctor,* ac decreta Pontificis Romani in causis fidei, & morum ad omnes & singulas ecclesias pertinere, ac christianos omnes ex conscientia teneri ipsis obtemperare. Quamquam enim infallibilis non supponatur Romanus Pontifex, provisione tamen ipsius decretis, quae apud omnes bonos maximi ponderis ac momenti esse debent, observandum est, saltem, aut ait Gerso, *ad non dogmatizandum contrarium,* quamvis ecclesia non reclamant, nec recontraidit. Non ita est de privatis Episcoporum decretis, quibus ita tantummodo sunt obstricti, qui eorum jurisdictioni subsunt. In controversiis fidei, ac religionis praecipuas esse Summi Pontificis partes, nec quiquidam in ecclesia magni momenti definiti debere, quod ad ipsum non referatur. Quamquam enim non sit solus Juxta controversiarum; est tamen inter Indices primus dignitate, & auctoritate, ad quem majores, ut vocant, ecclesiae causae referendae sunt. Majores autem appellantur causae, vel ex rei, de qua agitur, gravitate, ac magnitudine, quales illae sunt, quae ad rem, religionem, ac generale spectant morum disciplinam; vel ex magnitudine subortae difficultatis, aut dignitate personae v. g. cum agitur de Episcopis. Ita ad anno 1682. in quo Galli per Cleri conventum statuerent quatuor de Romano Pontifice propositiones, de quibus aliis in Bibliothecae locis agemus, de Romani Pontificis auctoritate, & infallibilitate sentiunt. Illorum itaque sententia decreta Romani Pontificis ad fidem pertinentem.

86 *ERRATA. BIBLEOTHECA. TOM. III.*

87 *ERRATA. BIBLEOTHECA. TOM. III.*

88 *ERRATA. BIBLEOTHECA. TOM. III.*







